


漢泉曹文貞公詩集


一





據中國國家圖書館藏元後  
至元四年曹復亨刻本影印  
原書版框高二十二·五釐  
米寬十七釐米

漢泉漫藁序



學優則仕仕優則學人知誦其言而踐行者虧如漢泉中丞曹君則真知而實踐者也漢泉蚤歲游鄆庠從楚齋李先生學清苦勤勵見稱時輩擢邑文學掾授徒習業益自力文定馬公子卿知單州以茂材薦授儒學正教授皆不赴蓋方篤志於學也除江陰總府經歷材幹著聞猶循資格再調辟掾南臺浙省未

序

嘗一日廢學既登清顯啟應中外年者艾矣誦讀述作猶前日也朝論以君宣勞陳力之久自山北廉使召為集賢侍讀學士俄拜侍御史使浙西引年謝事歸于家起使淮東起西臺中丞以疾堅辭不起而益以文筆自娛其為學如此可謂難能也已君既沒子臺掾復亨彙集平昔所著漢泉漫藁若干卷求余叙其端余向在胄監史館君折行輩與余

游時復亨暨其季履亨在監學諸生列  
余蓋素知君者君端雅績粟謨畫有方  
為世推重宜乎發為詞章敷腴條達其  
於意之蘊而言之宣者周旋曲折壹能  
道之又可見有德者之有言也夫古之  
名人勝士隻字片言人猶寶之况其繁  
然成編有如此者則後之人傳玩珍惜  
宜何如哉大搢士之為學將以致用也  
學未優而仕者多矣仕優位崇老而益

序

四

勉於學如中丞者蓋不多見也然則漢  
泉湧藁之可尚其在茲歟其在茲歟漢  
泉諱伯啓字士開贈滄政大夫河南行  
中書省左丞上護軍追封魯郡公謚文  
貞漢泉其自號云至元三年後丙子中  
元日癸丑通奉大夫江南諸道行御史  
臺侍御史張起巖序

公諱伯啓字士開世為陽山人  
自題其集曰漢泉湧藁既沒其子  
南臺管句復身託以為序讀之泱  
旬葩藻流麗渾然天成夫六經同  
理而殊詞蓋詩緣歌詠故聲用律  
和律隨音奏古有采詩之官雅製  
朝廷風形列國頌成郊廟雅頌寢  
聲政殊俗異妹土沈酒而賓筵興  
桑間淫僻而柏舟作乃諸侯失度

序

大夫逸軌而存乎匹夫匹婦之獨  
也故曰詩亡然後春秋作離騷忠  
憤言成一家後有作者咸以為宗  
自是紛紜勒名篇什雅不興於朝  
廷風不繫於邦國頌不歸於郊廟  
漢魏而下蕩無紀極然其詞淳意  
遠清濁無爽江左纖麗風為大變  
唐之名家無慮千百身維采擇方  
敢播傳其制作雖任於下而權衡

猶歸於上也其或專於思致工巧不可諧以音調度曲則委卷之聲足以蕩心搢紳之律未能入耳且性各有偏學得所近雖未可究其盛衰理亂之由而人之是非邪正曰言見志若中丞之藁頁而不俚文而不華其為詩若于篇心之所之言自不違豈曰文士云乎哉中丞德行事業載之家乘傳之信史

序

茲不復贅者公以集賢學士典試國子伴讀思誠與廣西僉憲姚紱為首選是同門生故不敢肆後至元四年三月下旬有二日大中大夫國子司業呂思誠謹叙

漢泉曹文貞公詩集目錄

卷之一

五言古詩十九首

賦勤學詩呈憲使徐子方

學宮雨夜有感

相馬圖呈杜左司

題趙治中詩卷

官馬行

題畫槐卷

目錄

一

題胡府判趙生山水卷

和完顏僉事見寄

寄謝陸義齋諸公

和傅荏山九日秋闈

戲贈曹鸞舉

澣衣圖

濟州登太白樓懷鄭御史二首

雨花臺獨步

觀朱張二府





菊存精舍書克明樵隱詩後

蕭縣道中早行

贈相者陳梅心

卷之二

七言古詩二十九首

陪漢陽諸名公登秋興亭

登君山次史同知韻

題趙鼎之一山詩卷

吹臺懷古寄孟子周

目錄

送申仲禮

餞王景先僉事赴燕南

贈相者高心月

讀段約齋詩

贈相者梅山

夜宿太湖岸

贈陳方回伯仲并序

送蔡季良

和趙鼎之中秋不見月

戲作村中謠

送趙彥誠

贈一者范心鑑

送趙石居之官慶元

寄胡教諭六首

答陸子方陳心困二隱

送獨吉經歷

清明沈州郊行

壽喬令

目錄

題蔡御史種德堂

尖子謙亨

卷之三

五言長律七首

歲暮登臺嬉臺

秋夜西齋有感

送謝時清北行

次陳愛山韻

再和

贈李都事

謾成寄朱主簿

五言律詩四十二首

題郭西楚如官卷後

次韻宮大用二首

和人遊蔣山二首

初到江陰寄徐路教五首

和通州王總管二首

村居

目錄

四

和毛潛夫校書

宿呂梁寄潘子素

和徐同知遊北山寺

蘭溪郊行

和完顏東舉僉事

儀真寄張希孟學士

贈相者周可山

荅南冠

夏夜露坐二首

卷之四 冬夜書懷

秋日嘉禾道中

題王龍驤舟師圖

陪馬克循治書謁天游真人

次韻張受益二首

寄潘景梁御史

用除夕韻呈王菊圃

寄友人

送祖繼先還真定

五

次韻呈菊圃二首

悼幼子可孫

壽毛潛夫

送趙天錫省郎

寄高文甫治書

用賈公儼韻壽何仲禮

和鄭叅政留別

和宋御史喜雪見寄

卷之四

七言律詩五十四首

詠鷹

夜雨

暮春用唐壽卿韻二首

東平嘉祥道中二首

夏夜露坐

送朱教授之姑蘇二首

鄉飲禮罷次諸公韻

看星

莫春登朱鶴峯書樓

夢酒詩會

送丁仲謙赴都

旬休日遣懷

涇陽述懷

謝吳立齋惠蟠梅

大名客舍

賦愁諷楊初開

子規

送濟南王秀才

送翟慶之二首

送人作宰

寄李揔管

上李相可大

詠懷寄趙通敬

謾成

呈提刑

喜雨

目錄

七

中夜偶成

遣悶

祈雨次韻朱路教

君山宴集

再用朱鶴舉韻

陪史同知宴天慶觀

述懷寄霍伯庸

和胡舍人登山

送崔同知

送道者

梁郎中慶職

送白君舉頒曆西行

賀南濟民生子

上杜左司

壽朱鶴舉

謝鶴舉招飲

送朱教

寄朱教

目錄

夏日書所見

苦雨用杜左司韻

次范平甫所題侯正卿壁間韻

和周景遠悼歌姬二首

題王夫人詩卷

卷之五

七言律詩四十首

對月

次善樂國王韻

同毛吉甫提舉宿王氏精舍

次韻史彥明府推

次韻李彥謙御史

常德至辰沅途中書事三首

復用述懷韻寄毛吉甫師尹

贈王仲通二首

南塘戲贈吳立齋

秋夜聽雨

歲暮書懷

目錄

九

和佟亨甫遊錫山陸氏園亭

漂陽道中

寄申仲禮

錢塘雜詠

上周宣慰

寄謝君舉副使

壽馬性齋右丞

謝性齋右丞

錢蕙貞卿



呈梁平章

贈吳道錄

用前韻詠懷

送石抹同知

松江道中留限

華亭道中

賀張安道提舉

寄盧敬齋知州  
曹子貞奉常

贈會稽閑居官

目錄  
十

汴梁客舍會諸友

贈李伯宗學士曹子貞奉常

次韻賈公儼

餞王寶臣

和李公勉留別

呈郝左丞

晚登岳陽樓

洞庭感興

七言律詩三十六首

和中丞敬公九日登南城三首

清明雨中登樓南望

次韻黎景高僉事

題拱北樓

和盧敬齋新秋詠懷

次韻張文在

春晴賈參政招飲

和孟子周除夜見寄

賦歸諭見輦

題伏波將軍廟

題文希伯竹坡詩卷

孟光壽日

次梁參政寄韓參議韻

白雪道中

壽馬右丞

古任臨流亭宴集

用六同房壽卿魯子翬唱酬韻

儀真詠懷

買舟歸陽山

和敬威卿中丞送秋露芳樽來詩

酬敬中丞

復用韻

久雨不出呈中丞

阻舟淮甸寄蘇昌齡任士安

賀完顏承旨

江陰詠懷

次韻李御史

次韻士貞第

白雪詠懷

壽蘇顯卿郎中母夫人

東昌寄申仲禮

次韻趙良臣

次魯子翬見寄韻

挽劉損齋提舉

再用敬中丞韻

卷之七

七言律詩五十一首

中秋夜不寐

長安早發

湖頭鎮阻雪

金華道中

長橋書所見

遊西湖

兩宿無錫驛

目錄

十三

次韻韓同知

次韻丁仲謙

金華客舍鼠崇

秋日宴江山樓

姑蘇館夜雨

寄江陰諸君

題完顏御史沙海圖

送琴士張伯源

酷雨

詠懷

婺州途中次王菊圃韻

寄張仲豪

贈朱路教

送丁仲謙之杭州

遊靈隱

過姑蘇

次韻王士美

次韻侯巖甫

目錄

喪馬

送陳愛山

丁亥清明寄二弟學正

贈劉彥卿

贈王元伯士瞻二友

壽李楚齋學士

寄王菊圃憲副

次韻題蘭溪洞源壁

次韻徐改之二首

和憲臺諸公梁武鑊蓮花

和申仲禮尋梅

次韻申仲禮

和趙仲權留別

送潘景梁僉事

次韻毛潛夫詠懷

送王廷瑞之廣東經歷

送程前村

題王彥章觀馬圖

目錄

十五

寄郝知事二首

蘭溪郊行

泛舟次人韻

送何御史按部江淞

次毛吉甫雨中述懷韻

贈王覺軒二子

卷之八

七言絕句八十九首

題白御史畫馬圖

題雙驢並榭圖

過白溝河

九日省舅氏郭西獨行十首

題市橋遊樂園二首

元夕會飲

夜宿清河

過保定

涿州觀寺

贈畫師佟明之

目錄

十六

題何舜卿魚水清白圖

寄劉考卿二首

題葉賓月圖二首

題竹枝畫眉圖

過滹沱河

蠡州塘河

用溪陂塘松菴壁間韻十首

題姜仲澤巖隱二首

定興喜見太行山

漢興

謝朱鶴舉招隱四首

對雪寄范平甫二首

海夷貢花驢過蘭溪書所見四首

次韻朱路教

盧溝橋

安平客舍

過先主廟

索李副使畫梅

和曹冬禮書懷六首

謝曹斯立送菊

九日贈史同知二首

寇州道中

梁門懷古

喜至大都

送張潤夫之官遼陽三首

題朱孝子卷後二首

賀朱鶴舉除江陰教三首



寄侯秀才

示仲吉弟四首

乙酉館中二首

觀蘭亭王侯書扁二首

題鶴嶺珠報恩圖

挽李宣慰四首

詠雪寄湯廣文三首

贈心月相者

和何好禮登蔣山二首

戲贈張經歷

卷之九

七言絕句九十二首

題廉文正王畫像

題童童平章畫梅卷

餞高叅政二首

寄史中丞

過槐川宮二首

憶王仲通

觀稼

郭西獨行

九日月下小酌四首

題松壑詩卷

題任士安墓親詩卷

題黎僉事脩太白祠詩卷

送郭文美歸省三首

題梁國英牧牛圖

題宋成之畫馬圖

送趙彥清北

題馬逸齋詩卷二首

與孫真人對飲木香棚下

題蘇昌齡山水小景圖二首

題蘇昌齡溪山讀書圖

題王君實孝行詩卷二首

賦秋聲真人木香二首

衆御史議酬答之禮

送王御史歸養二首

題白御史立馬待渡圖

題宋提舉獻尚書圖

寄龍泉邑長可齋二首

題陳伯宣忠養詩卷

次鄭參政韻

題魏立之所藏榮啓期三樂圖

題黃秋江釣月圖二首

惠山泉二首

歎宜興無錫飢民二首

醉中感懷

題焦覺齋詩卷

和劉平跡見寄二首

中元日悼所嘗馬三首

題奉元韓氏家藏三圖卷三首

戲贈施水菴僧

題邢明之家傳

送陳景舉之忻州

喜晴二首

題曹平章淵明歸來圖

約遊秋興亭阻風首圖

送申屠子迪二首

題白教授贖金疏

題王提舉畫魚圖

題錢舜舉牧牛圖

題蔣四清草虫圖

題一鯽游池圖

秋望

愛菊

九日言懷

西郊晚望

樂善樓

文會堂

壽許公

中秋月

送婁行所歸省二首

寄題劉氏義學

目錄

二十一

送吳養浩歸省

題劉士中採鶴詩卷二首

題史總管隨車雨詩卷

送寇致中歸永城

題東丹王乳駟圖

題常光明詩卷

題湯碧山金陵十詠卷後

五言絕句一首

見山亭

目錄

二十三

卷之十

樂府三十五首

滿江紅次元復初韻

水龍吟用楊脩甫登岳陽樓韻

如夢令贈道夫

如夢令 同前

酹江月次王君陽過龍門韻

酹江月和孟子周詠雪

滿江紅和白君舉見寄

水調歌頭次元復初韻

水龍吟次史葯房韻

水調歌頭次崔子由韻

摸魚兒用范葯莊韻

水調歌頭次盧仲敬韻

南鄉子四川道中

南鄉子同前

鵲橋仙辰沅江中

臨江仙同前

臨江仙同前

浣溪沙同前

浣溪沙同前

木蘭花慢壽郝仲明

沁園春和元復初游西山

八聲甘州次鄭澤民韻

水龍吟再用楊脩甫韻

木蘭慢用史顯夫中丞韻

清平樂寄徐都司

清平樂寄元復初

西江月用李雪菴韻

鵲橋仙用 壽卿韻

齊天樂和蔣四清逢秋作

沁園春用敬中丞韻

鷓鴣天寄翟德溫

減字木蘭花壽監司

糖多令寄友人

鷓鴣天示次子履亨

鵲橋仙用呂正學所贈韻

漢泉曹文貞公詩集目錄

漢泉曹文貞公詩集卷

東坡先生

蘇東坡

王

文林郎南諸道行御史臺管勾男復穎集

國子生浚儀胡益編錄

五言古詩

憲使徐公子方俾諸生賦勤學詩

蓋亦勉勵之意借題卷末

循身戒昏惰學業貴精勤聖人惜寸晷  
志士恥無聞勤惰不自省賢愚此中分  
流觀八紘內屹屹窮朝曛農者國之本

三時務耕耘作勞乃有得老稚俱歡欣

梓匠賑工役營營操斧斤商旅涉險阻

衷情若煖焚中年致豐富築室連青雲

士也責尤重凡流豈同羣綱常總絕學

仁義匡時君聖道苟不熟幾何能榮勳

昇平古來少幸際書同文發憤蘭師友

勵精攻典墳瑩雪代膏蠟齏鹽鄙臙葷

衡門拒遊宴世慮祛絲絮涵養至成德

功名奚足云繡衣來何莫文幟張吾軍



敦勸果無怠英材見紛紛

學宮雨夜有感

北風撼庭柯寒雨擊蒼瓦恍疑更漏急  
俄頃恣飄洒輾轉官遊客聽此殊不雅  
留滯三月餘憧憧若奔馬緬惟筆郊人  
清芬播中夏微車再三來囂囂尚耕野  
以身閱盛衰動靜非苟且竹帛照古今  
惠夷同聖者人材有徑庭理勢遂高下  
負此頑鈍濟辛勤願陶冶茹糗充朝飢  
芹宮於餘厦僮僕夜褫寒私憂若為寫  
鼎食愧感獲陸沈哀屈賈載詠雞鳴詩  
行藏隨用舍

相馬圖呈杜勉齋左司

造物出萬類貴賤伊誰分圭璋雜凡礫  
與道同疎親既收大宛種一掃駑駘羣  
乃觀相馬圖低首先吟呻千金購死骨  
舉國無其真生世何大晚鹽車負艱辛  
悠悠虞坂道赤日煎紅塵行人亦何多

具眼惟孫君一顧不旋踵價越連城珍  
誰為繪此像庸示將來人相為共之瘦  
相士共之貧於茲有鉅公數載居沈淪  
涵養浩然氣輪蹄任紛紛素識太平相  
鵷表飛青雲紫泥日邊下八座生陽春  
攄心握文柄引年啓賢門凝睇辨臧否  
立志安斯民他時了經濟丹青畫麒麟  
回顧相馬者細務何足云察察載千古  
二道非同倫相士今何人少陵身後身

卷一

三

題趙治中詩卷

聖德混遐荒天戈指江左簪笏或山林  
猖狂盡逋播久萃南海涯生靈寢凶禍  
元戎運良籌不使選剛果趙卿掉臂行  
咸謂蟲赴火開諭皆來臣旌頭應時墮  
省檄守循陽報效何么麼挂冠梅花峯  
誰復論轅軻當其徇國時豈識身為我  
所幸吾民安貴賤無不可徜徉湖海間  
酒剩糧不裹同沐恩波深何必近青瑣

面視窺祿人擾擾真螺贏悠哉復悠哉  
銅柱映蓬顆

官馬行呈李松管

肩輿坐充穩官事倦逢迎南來祗乘馬  
僕隸教編氓洗則養神駿秣之愛長鳴  
四時腓且安主人心始平翻思應茲郡  
牧民為正名科徭思日寢刑罰願時清  
胡為政多門青紫亂縱橫訟言無巨細  
案牘竟紛爭彌田給征稅伐木空原塋

卷十

四

民心無正歸歌謠有新聲服勞於王事  
孰憚夜與明徵求苦煩急日用何由生  
爭如作官馬蒙背銀鞍輕吾儕聞此風  
鬱鬱傷中情不有治安策自慚非國禎  
歌詩贈官長敢效春陵行

題江寧李襄公畫槐手卷

襄公五男兒耕也官家卑三兄應朝班  
雍容老相期庭槐公所植一蔀生五枝  
次四獨秀發耕耨適禁滋當時耀金紫

喜氣克門楮造物補不足雲仍受驚禧  
乃悟窮則變乃知盈則虧未來氣已形  
既著人方知向非陰有感草木終異為  
天理未嘗息天君毋自欺寄言聲利徒  
種德宜孳孳

題胡府判趙生山水卷

畫名無言詩所貴存天和包含物之理  
方外手可摩趙君圖畫手前輩誠無多  
吳縑二三尺意馬揮干戈畫水有清意

八

五

涼風皺微波畫山無著色岱宗夫如何  
浮圖寺之表舴艋巖之阿披圖一回首  
逸興高寒我紛二名利人塵土雙鬢皓  
我亦在其間歲月空蹉跎林泉有餘興  
從此歸漁叢

和完顏正甫僉事見寄

芸芸天壤間物二自終始陰陽司屈伸  
雨露發膏泚窮探造化妙學道當沒齒  
憶昨效前脩老屋坐荒址誠能不汝畫

么麼變奇偉華髮已侵尋蘭臺方小史  
補報無尺寸追思負甘旨胡為俗累深  
不得宦情已涉世相推移因人具條理  
堂堂顏使君端為蒼生起東甌素凋瘵  
宥弊要全洗守宰如星分妖紅連俗紫  
已聽下車誦清強新直指巖巖金華峰  
湛湛穀溪水吾道增光輝霽景照紈綺  
古今誰並駕避路行且止簿書日奔忙  
愧我徒為耳

寄謝陸義齋廉使諸公

崢嶸古暨陽事簡風俗淳傑也一何有  
忝為幕中賓齊瓜六見熟于今作閑身  
東寧事游息照鑣出城闈時當仲夏初  
萬木繁陰新眺覽悉幽勝主賓若同寅  
雲間陸公子丰姿邁羣倫妙齡心老大  
富貴不驕人石居狀元後累葉為縉紳  
海翁文章伯子弟盡麒麟何有兩夫子  
家聲德相隣行樂興非淺杯盞夜及晨

名園開錦綉品饌羅竒一晚入清涼界  
諸公禮極臻於克亦無酒力乃尔神  
處士葉其姓綠綺隨烏巾一時聞捺一曲  
天地還氤氲歌調間南北手談弃踈親  
黃雲徧四野遐迹不憂貧凝睇即成趣  
滿懷俱是春主人捧觴勸廉飫難為嗔  
斜日覓歸路曹騰入囂塵夢覺思梗槩  
擁臯如酸辛惓惓無以報作詩記天真

和傅荏山九日秋闈

官遊何所得歲歲客殊方一驚不自己  
別離是尋常資身素無策一愧工與商  
光景一行速瞥然度飛黃一瀛州良不惡  
復到澄清堂借問堂中人生平有何長  
夢想粉榆社披襟坐藥床一晦息存夜氣  
晨興玩天光云胡不歸去一老一大徒悲傷  
秋雨忽開霽乾坤變清涼一偶於職守外  
泐檄監文場諸生競葩藻一寸畧何倉皇  
藩臣喜揚激賓筵秩觥觴一秋陽暖慈闈

春風遊

帝鄉珥中有紅腐穩博  
八官羊

戲贈曹鸞舉

古人重名節世好異足二  
傾蓋一相得

固無猶與薰吾子號奇士  
積慶久已聞

浹旬侍清宴丰姿靄卿雲  
簿書不濡宿

凡羽徒續紛席第承几碩  
讀書類能文

寒余一月幸薦剡煩運斤  
同姓道不殊

中心日欣欣空期九仞山  
一簣庸加勲

誠慮太阿病倒持貽誚君  
可憐為親者

茹糗窮朝隳雨驟風亦馳  
靈臺若煖焚

詩書養平昔饕餮食非同  
君容我多士間

獻誠只心芹孔兄正羞溺  
赳赳色氤氳

曹丘莘有口頤足騰清芬  
胡尔回文後

秀辭致難耘或無復或有  
鈞例孰能分

主將肅戎幕校徒調三軍  
茲情試常紀

長者心無熏

澣衣圖

靜女思歸寧澣衣拜高堂隱士履貞固  
濯纓視滄浪苟有消潔心顛顛猶如姜  
常懷濟時策進退皆康莊

濟州登太白樓懷鄭從之御史二首

高城巖雲根聊可慰心跡長風萬里來  
如對騎鯨客監州好事者樹此樓與石  
隆臯辨金仙更長謗嗟惜

堂堂鄭使君美譽粲星文不羨卓頭露  
願栖山上雲罄躬事女冠無乃承異聞

九

賤子抱負淺仙凡未能分

鄭壽官師女  
士歸駭冠者

兩花臺獨步

燕薊走江浙洋洋夸此臺金仙入幽夢  
真能易凡胎徒步良自苦行行益紆迴  
前人重出處納履心悠哉

觀朱張二府

相府劇深遠將壇勢崔嵬古今爭不已  
十去久不回所以陶靖節東籬只銜杯  
我輩何足道青山好歸來



張菊存精舍讀克明樵隱佳什附  
詩于後

邊庭折駭變伐輻佳雲山斤斧既適用  
雙肩敢辭難世事如棋局靜觀不知還  
夜深一爐火莫遣兒孺寒

蕭縣道中早行

行行古天整篳二乘與梓樹枝防刺人  
天明僅十里功名果何物白髮仍早起  
瀨聞瀑水聲清徹野人目

贈江夏相者陳梅心

江滸老梅樹百花頭上開微風散清馥  
寂感如靈臺君子道云長坐觀凡木摧  
莫辭方寸苦調鼎鑑英材

漢泉曹文貞公詩集卷之二

森郎滿諱得御史臺書為男復亨類集

國子生浚儀胡益編錄

七言古詩

休日陪漢陽諸名勝登秋興亭  
觴詠移時塵慮頓息但以不得  
會仲通為慊曰綴長句呈欽夫  
僉司士元太守君平察推仲通  
宰公暨座中諸友

卷二

一

散材生世元無堪強持陋質借梗楠年  
餘耳順雪垂領誤承任使來江南公庭  
日午了官事西州散步成奇探歲寒亭  
樹叢秋興名公幽序相朝參鶯鶯梅梢  
欲得蓄鳳凰山頂飛晴嵐江水朝宗淨  
拖練湖光照影清揉籃旅鴈書空度荆  
楚浮雲護日橫湘潭蒼茫宇宙一俯仰  
形役道路何癡憨移尊偉觀排小酌紫  
霞斂氎堆紅柑人生擾擾有今日座客

云云無俗談長安富兒不識字但能几  
案羅肥甘眼中梵刹如比櫛焉知曉事  
無瞿曇知音更有駘馬客威稜坐可懲  
奸貪山邊聖人惡白酒禹廟在側故云望之不  
敢成醺酣一襟清興豈終極催歸黃帽  
牽羸駮漁歌悠揚風色暝人影散亂波  
光涵船開棹進一迴顧匆匆欠到王公  
卷

登君山述懷次史同知韻

史名考  
詳字敬

卷二

二

此名儒史細祖亭在之子肩  
山人自號為房後居三衢

大禹神功孰可擬萬水導之歸一派滔  
滔江漢為朝宗分破坤輿為兩界朝烟  
暮靄難具言一得憑觀即踈快堂堂史  
倅文章伯聲若洪濤動澎湃登山臨水  
悼興亡詩句瑰奇韻尤恠當時未能陪  
杖屨想像風流儘堪畫古今亦自重歡  
笑醉摘頭巾花樹掛蓉城酒美風俗淳  
綠檣霏微散香灩天南地北江城客從

此好償安樂債翻思臣猶舊相隣心跡  
無聊時作噫區區刀筆何足論自負魏  
峨益豪邁一方弗克知偽謬二載何嘗  
得真話巖廊步武皆若人健土忽聞誅  
毒蠱融融問里發新歡回首茫然事幾  
敗鵲來鳩去巢復完急雨斜風任飄灑  
水邊興感遽多情還笑書生性常隘

題趙鼎之一山詩卷

君山蒼蒼矗林杪萬古蓉城為高表大

江橫絕聲喧颺浮世紛紛幾昏曉南崖  
地勢挹靈秀崧嶽生申此生趙孟鑄其  
名字鼎之特躋一山歸興杳春申當年  
富公子漫與此山期不天只今誰主復  
誰賓眼底千山萬山小山英動色如有  
情鍾秀茲人尚年少早圖勲業汗青編  
千載東吳青未了

陪諸公杖屨登梁王吹臺悠悠悵  
古之情不能自己呈孟子周子文

二友

天宇廓然秋已暮幽人欲作登高賦  
鵞鑣沽酒上繁臺千古興亡一回顧  
白鳥喧秋塔半摧荆榛掩映臺前路  
黃花采采未成歡目斷荒城起烟霧

送申仲禮言別還第

世間去就崇口給君子知幾不終日  
申卿掉臂挽不留臺閣諸賔悵如失  
不為分携淚沾臆但傷直道人難立  
相如有才徒四壁心事還同家事急  
輕舟蕩漾吳楚路坎山流行須自惜  
妙齡未許作閑身會有重尋董狐筆

餞王景先僉司赴燕南

河朔名藩尊趙郡刺史開司寇諾鎮  
太行形勢控幽并輩出衣冠跋廉墮  
喪榮代謝苦不常屢值天公降饑饉  
繁華唯得夢中看毗庶流離素忠信  
蘭臺極念濟此邦繡斧多方簡豪俊  
真材適見王

吏部攬轡登車氣逾振焦禾待雨報秋  
成貪吏聞風應解印賢臣生世責非輕  
莫使秋霜空染鬢

贈相者高心月

心涵衆理常虛明烟如素月流青冥掃  
除靈臺掛秋鑑天下妍媸無遁形區區  
老境事奔走汎汎人海風中泮便從心  
月問前路形車氣馬何時寧

讀約齋段侯詩卷

少年馳驟清淮甸復領牙兵洗江練車  
書混一論疇切驚看浮雲日千變賣却  
寶刀歸紫燕柱杖支頤笑顙面窸窣紫  
桑不見人黃塵埋却金闥身

贈相者梅山

元氣淋漓生萬物莫忤朝榮自飄忽梅  
山老子究此心道眼相人惟相骨昔年  
貴重葯房公果見青春照簪笏壽昔聞  
予否已傾夢魂遠逐秋天鷗

夜宿太湖岸

太湖西望如滄溟木落霜寒波更清聞  
道是中多巧石明朝豈用勞生靈晚風  
作惡蛟鼉走搖蕩乾坤洗星斗大隱乘  
舟不見人而今盜賊為淵藪

贈陳方回伯仲詩

并序

洛下古都會河山潤秀人材瑰  
偉非中原他郡所假有附庸曰  
登封儒生陳方回寔生是邑世

卷二

六

守素業學務真淳以其係名兵  
籍躬戍東澗萬夫長而下嘗賓  
師之尋致終代薄言旋歸方游  
覽吳楚間秦郵主者貢為淮東  
憲史參署有日適仲氏方貢者  
收書亦南來遇諸江都怡怡既  
久從容相與言比年所生垂老  
家事屢空與其束身抱牘營營  
乎寸尺之進曷若著斑衣奉菽

水溫故知新之樂之為愈也輕  
舟短棹幡然偕行就道之際凡  
我同盟是其義榮其歸飛毫落  
紙者不為不多矣愚碌碌無堪  
僞居江滸亦嘉陳氏兄弟咸有  
古人之志成出或處不負君親  
想像漢賢陳仲弓之二子遙遙  
華胃其克肖焉及近世鄉大夫  
卽齋維山之後豈復無有乎爾

因贈數語庸識將來誰謂華高  
企其齊而二生其勉旃

壯遊自古男兒事收拾英華貯曾次逢  
掖南來掛鐵衣陳生不露經綸志白雲  
在眼忽思親春鴈同回期不匱近裏工  
夫實有加它年肯屑揚州吏

送蔡季良

盛世官規量材職逢掖仍須肆刀筆猥  
予南北閱人多彼此技能相得失江東



復一季良出姓字相聞不相識同事同  
星几研親得覘幹局無儔匹簡書衮衮  
笑談了政事優優儒道飾忽驚奏最覲  
天庭萬里秋風動顏色英雄不下兒女  
淚著脚雲衢先努力除書消息待春開  
何處豺狼當屏跡

和趙鼎之中秋不見月

四事難并今古情香花已過秋月明秋  
氣平分月先滿海風吹起雲從橫萬戶

卷二

八

千門心若崇簾幕低垂綠窓閑洗盃小  
酌興茫然夜雨空階作秋意一杯一杯  
復一杯浮雲於我何有哉至人胸中月  
常在燈前一咲雙肩開四時月色皆圓  
潔祇是人心還自絕讀書意氣當擎雲  
及此幽寒謬鳴咽和詩聊與節相酬旅  
思綿綿無盡頭明月明年何處看神州  
相望更多愁

戲作村中謠呈吉甫提舉諸兄

江左頻年為厄廩庾枵然民菜色猥  
予不職古戴州村質踈庸謬等畫荀循  
轍跡失公忠纔事徵求便煩刻何如豐  
歉都不知日侍諸賢浮太白

送趙彥誠

宦遊憶昔留神京巖廊接武皆豪英相  
從既久知姓名奮身半是齊東城東方  
山水鍾英靈人材濟濟懷忠貞趙君家  
世居鄒平妙年胷次吞幽并昔從案牘

卷二

九

嗟勞形深衣幅巾務明經十年潛心今  
存誠蘭臺掾史奮鵬程此來平獄期無  
刑况與冠王縣鑿行獲奸擿伏如神明  
光芒文彩刃藪斲疇看政迹垂丹青天  
南地北蜚嘉聲拂袖歸來心臨清華峰  
峨峨綉江澄齊魯相望莫寒盟它年倒  
屣須相迎

贈卜者范心鑑

大造無窮如轉圜五行佐功隨變遷人

生貴賤混賢否繫乎氣稟純與偏世間  
談算不知數蘊奧相背徒紛然豈期區  
區古澄川范子能聲為衆傳試將猥命  
與評跋大篇臣軸飛雲烟前途兀兀未  
敢知既往行歲如目前陳說浮生皆默  
定乃知家世心為鏡金谷繁華掃地空  
渭濱釣叟師周政相者惟後骨肉尋經  
云積善當餘慶躔徑雖殊指一歸子今  
萬事皆從命

卷二

十

送趙石居之官慶元

六年簿官居申浦百技茫然性踈魯客  
舍公餘一事無搢紳願訪森如堵高山  
流水洗憂感黃卷青編閱今古回首長  
安如斷蓬南雲翳翳生淒楚小舟俄載  
石居來飯顆山頭逢杜甫鉉繫優游習  
氣同權門悵望丹心苦綠陰初見盡明  
簪倒指縣鑣踰夏五大火西流菊又殘  
孤衾鏡冷聞雙杵一鳥覓今日忽南廂燦

燦牙糾光鼻祖新制興除務必行銓材  
庶庶皆良輔東南山水得奇探人物瑰  
竒壯城府莫道臨民始有為存心濟物  
非無補猥予無計理歸裝滿面風埃猶  
噲伍身世由來祇自憐愁懷此去憑誰  
語江城事簡俗亦淳彷彿居安勝鄉土  
茂林脩竹鼎魁方皓月清風自賓主談  
笑四明官事了時宜命駕瞻衡宇廟堂  
倚任今伊呂苟有寸長思一舉同是悠

卷二

十一

悠萬古情忘年許換朝天武

寄胡教諭六首

駕言江東秋已莫河洛先生欣雨過飛  
容質朴千年松學問淵源九經庫欲學  
毛生慰老親便携長策干當路我今參  
透草鞋禪何似高門作書畫

江寧迢遞風景莫滯子倉皇張無遇狂  
心激烈期軒昂人困日長囚堯庫久坐  
應教靖節嗙拊歸又怯長安路何當著

脚簿書囊刀筆猶能削奸蠹  
跣丸苦欲催衰莫千里魯侯嗟不遇外  
臺飛檄譽廉平底用琨瑀藏寶庫知非  
未敢做蘧瑗喜過尚堪師子路悠悠天  
地亦何心輸與芸窓坐蟬蠹  
遺經兀兀窮朝莫月窟天根有真遇何  
為提要必鈎玄殆似立家須廐庫終期  
太史開旨靜肯效揚朱泣岐路相逢袞  
袞勸時粧墻角檠拋書養蠹

山禽似說歸何莫不學三餘思董遇渾  
金璞玉皆若人翠羽丹砂已充庫從容  
受命是天真俯仰同流非正路聞身未  
老治菟裘世事侵尋木生蠹

風雨愁城楚江莫前人豈盡非常遇懷  
材抱藝儲琅玕擊柝守閭司庾庫襄王  
抵死負靈均子敬無心事公路我曹奔  
走謬赳赳鑽紙篆科蠅友蠹

子方心困二隱君屢以書疏相問

曰作事都司赴台亟聽數語寄謝  
官遊始至澄江日異代衣冠常接迹更  
見諸生列郡庫大篇巨軸輝金駢別來  
三十四周星世事消磨如遇客區區耳  
順有五年坐覺羲娥急朝少官債窮愁  
簪後新茫然迴首成今昔兩賢時得夢  
中看日力昏花心尚未

送獨吉經應遷內臺

越風有名人不識一出端能瑞中國極

焚濟溺非所長君子同聲海同德岸父  
鳴琴不忍欺南陽召杜今猶憶後來從  
政何殊紅丹鳳高蹇麟就踏河山秀英  
散遷聚間世名賢出西北翺翺公朝作  
羽儀昭昭相府乘矜式剗裁不覺到襟  
字早奪誰能動聲色賜環消息九天未  
拂我羣情亂如織臨岐一語還自釋吳  
楚區區駐雅得南堂新政待良籌行看  
八荒開壽域

乙卯清明沅州郊行

信馬沅江江上路  
應覽芳菲忘故步  
回逢古廟說前朝  
忽見孤舟橫楚渡  
二雞恨識十年遲  
四美豈期今日具  
人生能得幾清明  
莫對殘陽怨遲暮

壽喬令

李白桃紅春律仲  
熊羆一夕占佳夢  
崑岳鍾英積善家  
英材墮地真梁棟  
萬里雲途早致身  
牙緋濟濟照青春  
當年東

卷二

十四

魯蝗踰境此日南山虎避人

此人善射玉樹

芝蘭壽觴舉使君喜色  
形眉宇賓朋雜  
還輕裾飄絲竹喧闌  
細腰舞元戎家世  
負元勳昨是今非且莫論  
好約畫堂千古月  
年年相伴醉黃昏

蔡茂先御史種德堂

人間種德如種樹  
培植日久生輝光  
吾儕未達感應理  
直以風水縈肝腸  
夫君善慶目所擊  
聲譽共奕家  
彌昌要將成

績示來裔特書二字名高堂

尖子謙亨

曹子謙亨字光益祖父文山移碭邑宋  
金華裔居太丘睢陽城東鄴城北父仕  
江陰寔辛巳育汝今年二十二六經文  
藝邁同倫孝弟純誠無不至東風吹起  
遠遊心姑孰姚公如玉金擔登就學千  
里去每對斜陽思好音壬申中秋短三  
日東道張卿遞書尺為言卧疾求良醫

卷二

汝兄走視星火急我持省檄在雲間汝  
兄俄自姑孰還乃言音書之來翌日為  
鬼錄使我相對號慟生意俱摧殘世間  
子女人皆惜亦有珠瑰雜凡礫創然碎  
却千金璧地久天長淚霑臆陋棺風雨  
寄江東日夜音容在眼中大鈞播物極  
萬變悠悠此意誰能窮謙亨稍解先天  
理晝夜猶為一生死英靈不泯聞此哀  
肯為馮依訴終始

詩集卷之二



漢泉曹文貞公詩集卷之三

文林郎南諸道行御史臺管勾男復亨類集

國子生浚儀胡益編錄

五言長律

陪翟沈二文學歲莫登宴嬉臺

一雨開新霽長空絕點埃眼明初出郭  
心遠乍登臺矮塔培黃壤摧碑漬綠苔  
幾人遮日去雙燕受風迴雅柳沿新整  
神祠映古堆翠峰依舊好金菊為誰開

卷三

一

日夕牛羊下天寒鳥雀哀黃流隨去住  
元氣接周回風箒誰搽孰雲衣自剪裁  
松杉誠異質樗櫟謬多材傲北衣冠變  
平南士卒來功名殊未已伏臘迭相催  
弔古情何益哦詩愧不才歸歟風景暮  
携友且銜杯因飲張氏席上故云

秋夜西齋有感

旅况隨秋變淒淒百感生白雲凝望眼  
黃鵠計歸程檻樓臨邛服蓋鹽漂母羹

舊病雖有瘳新業竟何成財匱交情淡  
門卑禮意誠淹留語世態出入論家聲  
眉鎖將詩解心田仗筆耕尊鱸張子興  
燈火退之檠雨積堪與暗霜欺枕簟清  
天風節竹響簷溜瀉階鳴伏翼生憐暗  
飛蛾死趨明鴈鳴如有訴蟲語不知名  
兀兀心猶醉栖栖夢亦驚隣砧催薄莫  
樓鼓辨深更目斷家何在年衰志未平  
自憐飄泊久坐起若為情

卷三

送南冠謝時清北行

否泰今猶昔兼攻弱遜強天兵多舊迅  
隣國半凋傷士馬仍吳土簪裾躡漠疆  
紛紛行路客落落謝家郎淮楚冰霜重  
幽燕道路長負包躬若罄逐伴汗如漿  
載贄干當路懷書謁尚方形神維若魄  
意氣自昂藏傾蓋成三益論文盡數觴  
貧中覘大節言外挹餘芳彼美文章士  
來遊禮義鄉當途有知己無使嘆垂囊

和陳爰山

拉友尋佳致迢迢遠市喧度山寧惜馬  
傍水得觀猿淨盡羈人恨招回遠客魂  
樹頭參漢表石齒漱雲根植柳人如在  
陰梅墓亦存風杉蒼晚節雨徑緜秋痕  
數畝栖霞洞千年落照村誰憐丞相宅  
我愛故人樽叱道僧歸寺還家僕候門  
賈留真有意誰可代晨昏

再和

卷三

三

酷愛西山景經年可避喧一聲何處鳥  
百樣此中獲地雅僧成趣峰高客斲魂  
長藤梯藉力茂樹石粘根賤子心君駭  
賢人手澤存水亭寒有素雲洞秀無痕  
古篆紆清澗新圖掛遠村乾坤雙斲梗  
身世一芳樽戍角催歸路吟鞭懶入門  
五年申浦住卜宅愧吾昏

贈李都事

字和卿  
大名

記識英豪士求官革古燕下風俄獲侍

教雨屢蒙宣老筆千人敵芳名萬口傳  
心聲無悔後仁政足光前柱礎尋常定  
盤珠左右圓料量明若筮安心泊如禪  
藩政麒麟布蘭臺鴻雁懸佩符弦此地  
彈指憶當年流水供迎送飛雲體變遷  
及瓜留未得行李尚蕭然酌酒為裝贖  
吟詩當祖逸它時隔霄壤晚進望陶甄  
謬成寄朱伯海主簿

聖朝覃至化寒士忝微官迢遞踰千里

卷二

四

間闕庶萬端山城居寂寞燈火憶團藥  
申浦烟塵暗君峰草木寒吳風純已散  
楚語辨應雜賴有朱夫子論文釋永嘆  
五言律詩

敬題

仁廟御筆加郭西塾等官手卷

宸心寄宸翰

天語授天官際遇陞騰易懷思補報難  
祥雲橫碧落綵鳳出金臺何啻千鈞重

當為百世看

和宮教授二首

蒲柳驚秋至  
薰葭泣露漦  
虛名無實用  
旅迹寄遊荒  
念念歸南畝  
悠悠夢北堂  
緬思忠與孝  
馬腹值鞭長  
青雲有高士  
捷給如飛黃  
白眼空四海  
清風扇八荒  
蹇予誠跛鱓  
世事付亡羊  
客憲誦佳句  
黃姝潤枯腸

和人遊蔣山二首

為憐山嶽律  
不避路縈迴  
况值八九月  
那無三兩杯  
人生行樂耳  
世事已焉哉  
碌碌刻溪令  
何如終草萊

古人追樂事  
日費百千回  
菽與排詩律  
消愁仗酒杯  
何時能做此  
吾道付悠哉  
所恨虧甘旨  
斑衣愧老萊

初到江陰寄徐路教仲祥五首

自古江南地  
澄江小翠微  
訟清衙散早  
路僻客來稀  
季子高風在  
春申故宅非

晚涼無一事携酒坐苔磯

自古江南地林泉勝槩多扁舟波瀲灩  
羸馬路陁陀戎服人爭笑吳鄉語漸訛  
茲遊諒竒絕奈得倚門何

自古江南地民安樂家深稻畦雲漠漠  
松晚霧森森戴鴨喧池水雞豚憩竹林  
小舟維古岸銷我利名心

自古江南地東南別一天樓臺紅燭底  
車馬翠圍邊忝頌官曹貴難逢吏屬賢

卷三

六

不圖爭腐鼠危坐看飛鳶

自古江南地茲行始識真傳之風土異  
尚念里閭親縹水著前列斑衣負此身  
何如徐孺子詩酒四時春

和通州王總管二首

彼美王夫子相逢各異鄉秋高風淅淅  
江闊水茫茫回首關山遠傷心道路長  
英豪休感慨十手指軒裳

霜信入蕉樓人間溽暑收荒涼松菊經

潦倒芰荷洲銀漢誰家月金風滿地秋  
吟詩遇知己毛穎凜霜矛

村居

羨殺村居好經年絕是非牛羊歸晚迳  
雞犬散朝暉露坐分藜榻郊行解葛衣  
城居苦蹢躅來此即忘歸

馬上倚和毛潛夫校書見贈

衰悰思故友携酒特相尋忽忽二年別  
悠悠千古心詩書清晝永桑柘綠雲深

三卷

七

羨子閑居樂無夢歎陸沈

宿呂梁寄子素府教

舟泊呂梁下心馳天地間澹烟新店舍  
斜月舊河山苦債無終極衰年度險艱  
夢中孫與子相戒製編爛

和徐同知遊北山寺

重陽尋勝槩出郭抵雲山梵宇棲遲外  
田家指顧間人言生處樂我羨此中閑  
景行東籬下螺杯且駐顏

蘭溪郊行

千里飄零客雙親喜懼年馬嘶青嶂外  
人望白雲邊要領知誰授舒徐頗自便  
此行著伏櫪何必較夔鉉

和完顏東舉僉司

一踏荊榛路三經杞菊秋下喬知有命  
行變覺無憂素髮迎新歲青雲憶舊遊  
詩未慰惆悵飛夢海邊州

儀山寄山東張希孟學士

有客樂幽閒棲遲濟岱間昔時錢若水  
今日謝東山蚤避鳳麟網固辭鴛鴦班  
忝予聒故友衰白始知還

周可山風鑑獨步江東別幾三十年解后金陵寫懷奉贈

白下有遺叟栖遲周可山立談千古意  
坐占一生閒淨拭妍蚩鑑高標義利關  
逢君常自媿衰謝不知還

荅南冠



朔方崇信義南渡寢浮誇  
土實國風厚火空文物嘉  
皇天親有道元氣造中華  
萬事非人力含靈本一家

夏夜露坐二首

蕩蕩青冥闊灑灑白露寒  
鷺鳥啼木杪老兔出雲端  
坐久同誰語吟成只自歎  
慰親應有日沿檄到長安

露坐夜如何村居即澗阿  
蒼烟噴素月碧落轉銀河  
病抑詩情減愁添睡思多

三卷

九

秋風庭樹響勲業愧蹉跎

冬夜書懷

土鏗蛛絲冷頽垣鼠穴稀  
充膈惟脫粟蔽體乏新衣  
守分人嗤拙懷安自覺非  
當年同舍友裘馬自輕肥

秋日嘉禾道中詠懷

旅况隨秋變閑情與世疎  
年將知命到祿及代耕餘  
濟物無良策安心有聖書  
雲山千古意瞻望獨躊躇

題王龍驤舟師圖

問罪平吳土分兵自益州百年還入統  
一鎖謬橫流王氣烟同熄侯封死亦羞  
畫師微意在固國有嘉猷

辛亥三月陪馬克循治書謁天游  
孫真人方丈階前牡丹盛開卮酒

同玩座中范提點索詩

拉友尋佳致琳宮引興長服膺師酒聖  
拭目待花王逝水年華急行雲世態忙

三卷

十

無回駐清景春色又斜陽

和張受益二首

交契觀夷險高卑象梓樞世途逢蹉跎  
心境失逍遙道誣身焉用居安氣不驕  
燎原風正急誰為辨蘭蕭

蚤歲遊東魯從師學步趨藎鹽三尺命  
行李一囊書往事隨黃鶻空塲繫白駒  
官情都淨盡歌枕憶耕鋤

寄景梁御史

清朝恢制度臺閣任儒臣  
首預懸鑣容  
今為避路人  
拔茅言在耳  
遷木句傷神  
奔走情無賴  
西風起  
閃津

用除夕韻呈菊圃

已坐儒冠誤  
那能吏責禁  
世途循且阻  
時事古猶今  
闌茸除煩障  
剗明見陸沈  
喬松冰雪底  
一點歲寒心

寄友人

汲古人傳  
僻安貧自覺清  
巨鼇誰可釣  
腐鼠不須爭  
未了高軒過  
宜逢小吏輕  
白丁二十許  
甘學范高平

送祖繼先還真定

濟二恒山客堂二  
骨相奇書傳  
先世德  
文盡後人師  
進退無非命  
功名不可期  
胷中長策在  
重看著鞭時

次韻王菊圃芻益相公二首

繡斧馳諸道  
霜威霽兩間  
旦評推剡粵  
聲價等丘山

帝德純無已臣功敢置閑况非東晉日  
何必賦知還

元英貫心月實理固靈根直節山侵漢  
清流水抱村政聲隨歎乃詩韻破人渾

東魯多君子名臣萃一門

元遺山有論人詩六  
琵琶娘人渾韻之句

### 悼勞子

世事雲千變人生夢一場悠々誰範冶  
擾々自彭殤公道方緘口私憂敢置腸  
家人能解此情淡莫沿裳

### 壽毛潛夫

西風吹晚節東魯毓英材簡重由天性  
高明不露才巖々峙音壁凜々助烏臺  
四海黃花事百年長壽杯

### 送天錫省郎奉先柩歸葬宛丘

壯歲游南土方春賦北征暫開千里之  
終復九霄程存歿應無愧榮枯總若羈  
堂々公輔器休繫故園情

寄高文甫治書略寓自効之意

憶昨不携地忽。昔月餘年增心懶散  
政靡術空踈恨別幽蘭契愁同乳虎居  
新春將入手歸計定何如

用賈公儼韻壽何仲禮

當年遊薄官脫鞅到君家摩拊紫荆樹  
攀緣常棣華芳名稱月旦以萍踪寄星槎  
長壽鄉中客陶然飲紫霞

次鄭參政留別韻

鄭字信卿平陽人時為遼陽行

省參政道  
過白霄

塞垣戡嶮地歲莫為誰來交態只如此  
官情何有哉豈能供世用聊復竭吾才  
夜々家山夢羸驂幾日迴

和宋御史喜雪見寄

都城久無雪臘日凍金消十月江南佳  
六花簾外飄豐穰闕政事喜樂到漁樵  
拚向梅邊醉荒詩為續貂

漢泉曹文貞公詩集卷之三





